



涇州誌序

史以考治亂誌以徵廢舉均重也
然史設顯官有注錄章疏之可據
而誌無司存與紀事者其載筆之
難易既異勢矣史以褒貶昭勸戒



誌以見聞備記載其體裁又異指
矣且誌有三善誌實不誌虛誌信
不誌疑誌質不誌文夫然誌也而
進於史矣顧不重哉涇州古義渠
地當陝甘之衝爲漢名郡唐宋以

來諸名臣後先經畧安撫以故觀
其山川考其疆域回弁並峙涇汭
分流而一種雄偉峭拔之氣實與
關隴名山大川相發揮余於壬申
歲奉

命來陝荷

上憲題署平慶道篆抵任後卽亟
取郡誌披閱之奈多殘缺而涇誌
復久失竊欲拾採舊聞與州牧共
編緝之未遑也甲戌春初州牧張

名延福者手持一編告余曰涇故
無誌而邊地質野文獻無徵遠搜
近採就所聞見者筆之於書幸僉
判李瑾素亦留心誌乘其相與排
纂次第之今告成矣敢以序請余

因細閱全卷其中古今之興廢上
下之規制人事之善敗風土之美
惡莫不縷晰條分且去其誕妄刪
其疑似除其浮靡一篇之中三善
備焉所謂誌實不誌虛誌信不誌

疑誌質不誌文者非耶余不覺神
爲飛動拍案喜曰牧之志可徵諸
治牧之治始可及於誌矣尤冀以
較然不欺其心者永懷勉勵庶幾

仰副官


皇猷勤宣

憲德將見人才蒸蒸蔚起風俗憂
憂日上謂僅存歷代之典章文物
已哉爲誌言之又不止爲誌言之
也爰舉而壽之梓卽以斯誌爲國

之史也可是爲序時

乾隆十九年歲在甲戌仲春之吉
誥授中憲大夫分巡平慶兵備道榕

亭莊年誤



涇州誌序

誌之爲書重矣哉上紀天文下察
地輿其間方名族類壇祠往蹟物
土之異宜風俗之好尚與夫兵刑
錢穀水利農田吏治之得失民生

之利病莫不胥於是載洵從政之
津梁匡治之寶鑑也誌顧不重也
哉郡東所屬涇州古義渠地也漢
時置安定郡後魏始置涇州唐宋
之際疊爲重鎮尋復改州元明因
之洎乎徙治涇陰仍隸平涼郡焉
幅幘二百餘里控扼西陲地勢險
要實甘省之咽喉邊衝之門戶昔
時寇暴窺覘諸羌雲擾爲戎馬紛
馳之場自我

涇州志 序
朝鼎興以來內外又安又恭逢

聖王臨御化洽邊隅自涇以西直抵
嶢峪永奠內域夫涇旣居甘省之
首化行自始四方於是乎觀瞻其
土地人民政事暨一切儀制典章

視他州爲更重則涇之誌亦視他
州爲要矣慨自歷任司牧非無賢
智傑出政治卓卓可觀者而於誌
之一書大都任其沿襲畧焉弗講
州牧張名延福者豫之秣陵人也

才識品行冠於羣倫而又出之以
老成明練蒞涇兩載地方政事孳
孳勉勉百務以興猶念誌乘所關
爲敷政之準繩允宜法守特以歲
久因循零落散佚汲汲焉銳意纂

輯會州之僉判李瑾博涉經史綽
有才情各殫精思互相讐校至是
誤者正之岐者一之晦者顯之缺
者補之區分類析鉅細畢登遠披
近稽考核精詳書成爲謀劄劄請

序於余余曰是書也猶國之有史
家之有乘也前人之誌備矣然不
有述者其何以著矧今疆宇清寧
人民繁阜遠觀山川形勝斥堠已
息烽燧之烟熟察民物雍熙閭閻

永享盈寧之福向非留心制治之
牧則誌之爲書幾等於百家雜記
行且漸就漸滅而無可徵矣今張
敬獨起而考訂詮次之燐燐炳炳
丕昭歷代之規模灑灑洋洋用取

前人爲法戒誠令千載而下求治者綜覽天人事物之際優游敷政而得所指歸焉厥功亦偉矣哉余忝居表率學愧面牆投簡含毫詎識亡書二篋傳新緯昔竊比商管一言快覩牧令之精勤益相交勉於上理誌存一帙義屬興觀因爲之序如此

昔

乾隆十八年歲次癸酉十一月上

澣之吉

誥授中憲大夫知平涼府事加一級

紀錄九次福山王機撰



序

涇處陝甘之交玉塞金城依爲關鍵自

漢設郡以來戎馬蹂躪直達前明我

宗憲皇帝策勳青海臥鼓銷鋒關以西

如無兵革之患壯西服而控遠夷涇原

實爲要地則一方之文獻宜足非若僻

壤微區或可因陋就簡也歲壬申 余自

蜀之冕邑量移茲土甫下車汲汲以誌
乘是詢僉曰無之夫誌以尊王制體國
經野凡幅幘之廣狹山川之險易人士
財用之盈絀文德武功之修廢以及往
哲前徽土宜習尚胥於誌而綱領提挈
之烏可缺典卽思博採舊聞纂輯成書
適值冠蓋絡繹皇華之使聖電奔雷志

焉而未逮也癸酉秋應接稍暇亟購郡
誌而遍閱之又多殘缺莫考州歲薦李
子名燥者紀先後職官頗詳累代詩文
亦多彙記因取而付之別駕李君囑以
專厥事李君者山左世族品端學邃有
良史才更加蒐羅手爲編輯余於簿書
之餘亦相與參酌考訂復諮諸紳士及

涇州志
者老之知逸事者僉曰可且各願助資
勩事乃脫稿而付梓焉間嘗登高峰之
巔溯涇汭之源其東則朝那關兩岸聳
峭林木蔚森是老上單于之所從入也
北則回中山岑閣凌雲瓊漿洒露是周
穆漢武翠蓋之所臨御也南奔耳錦屏
遮塞西百泉飲馬長川郭汾陽韓范諸

公之遺烈猶有存者矧自漢魏以來忠
貞之士節烈之行代不乏人顧聽其閤
而不彰久而失實乎在昔關中士大夫
率留意誌乘如韓五泉之朝邑康對山
之武功前輩並稱巨麗余固陋寡文何
敢比二君子其所以與一二同志力成
是書者亦期上揚


盛世之休光下備輜軒之採擇不使勝地
名區致同杞宋無徵耳但見聞有限詳
備為難踵事增華竊有望於後之博雅
君子焉是為序

昔

大清乾隆十八年歲在癸酉仲冬月望前

二日

賜進士出身奉直大夫知涇州事
中州古項張廷福書於官署之澹寧齋



城

東北至慶陽
府寧州一百五
十里郭家庄九
十里交界



金村堡

武城

王曲里

古柏

李家莊

圖



北至金
縣後川
河四里
交界

党原

永豐里

長安里

北作里

城州

南作里

回中里

南至
靈台縣
一百里盤
口三十里
交界

西北至蛟龍
口九十里交
鎮原縣界

大查

里村堡

台泉

陽堡

白鳥寺台


東林庄

西南至
信縣六十
里東林庄
三十五里
交界

城


涪州志

圖



涪州志

城



涇州志目錄

上卷

天文

星野

地輿

疆域

古蹟

建置

城池

沿革

八景

公廨

形勝

物產

學宮

山川

風俗

壇宇

鄉鎮

寺觀

備郵附義塚 津梁 陵墓

賦役

田地 戶口 錢糧 稅課 倉穀

祠祀 鄉飲 學田

官師

官制 職官 官俸 名宦

人物

鄉賢 忠義 節孝

下卷

選舉

進士 舉人附薦 貢生 武科 學校

武備

營制 塘汛附教場

吏役

典吏 衙役 驛站 舖遞

寇氛

祥異附仙釋

藝文

記序

詩賦

歌詞

涇州志

天文誌

三才一氣天人一理七曜重輝瞻山河之明潤三垣奠位
 慶陰陽之調和懸象雖在於天而感召實由於人是故政
 刑修而泰階平人事得而景星見殆猶景之隨形響之應
 聲也易云觀乎天文以察時變詎可忽乎哉誌天文

一星野

涇州居平涼府東一百四十里省東南九百六十里漢天
 文誌自東井十六度至柳八度為鶉首為秦分野郡志曰

天文涇州東南為東井西北為營室

按安定入營室一度北地入尾十度涇實漢之安定郡

界於參柳應在鶉首之次

天支以參柳為界

天支以參柳為界

天支以參柳為界

天支以參柳為界

天支以參柳為界

天支以參柳為界

地輿誌

國家幅員之廣冠絕古今東至於海西抵流沙而涇處邠隴

之間實為陝甘咽喉重地今考其沿革畫其郊圻紀其山

川風土誠西北一大都會也披閱之下不益識

皇圖之鞏固版輿之式廓乎誌地輿

一疆域

治在甘肅布政司東南九百六十里東至陝西長武縣窰

店鎮七十里西至平涼縣花家庄五十里南至盤口三十

里交靈臺縣界北至後川河四十里交鎮原縣界東南亦

至靈臺界七十里西南至崇信縣界三十五里東北至慶陽府寧州界九十里西北亦至鎮原縣界九十里編戶十七里為關西孔道甘省東鄙六十里東至西至

沿革

涇於天文為東井居涇之陽商周阮共之地武王為畿內諸侯亦曰密秦為義渠地漢武帝時始置安定郡晉因之後秦為雍州治後魏初置涇州隋唐因之州郡遞稱肅宗以安祿山亂易安定為保定代宗時吐番陷河隴北庭安西四鎮行營精兵屯於涇遂置涇原節度使兼刺史涇原

遂為重鎮五代宋因之又崇其號曰彰化軍太宗罷節度使加副都部署又置涇原經畧招討治涇州金甃平涼為府涇為州元因之明仍元為州徙治涇陰領靈臺縣屬平涼府

形勝

大清順治九年乃循莊浪隆德例以靈隸府而涇仍隸平涼龍脉來自崆峒高峰峙其南回巒障其北羣山環萃涇汭合流且藩蔽邠寧控扼原慶其隘則水抱西北其險則山阻東南依山作鎮跨河為疆地界陝甘東西之衝洵金城

屏障玉塞咽喉

一山川

兼山 在治北五里疊嶂層巒左右環抱

筆峰山 在治南五里以二峰峭拔而名傍谷中有桑

奔山 在治西南一里蜿蜒盤折形如龍尾旦夕素氣雲浮歲入學宮

嵩山 在治南二里峻崑遙空飄然狝舉上多田疇平綠藹然林端有高公寺魏碑唐碑

回中山 又名宮山 在治西二里絕岸壁立逕繞其左洑

凌虛羣卉絢爛如錦上為王母宮文昌閣三清樓松柏

前賢題咏甚夥 摘載藝文誌

青涼山 在治東三十里

天鏡山 在治南十里孤峰突起形如圓鏡因名

米麵山 在治東北五里兩峰峭立望若圖繡南北朝廬祖

振履塔相傳夸父追日至此振履

青石嶺 在治西北亦曰青石岸又曰青石原漢書元初四

姚將楊佛嵩於青石北原追攻東鄉下之唐大曆七年

吐番下青石嶺逼涇州子儀復奪却之又貞元三年吐番

入寇分屯潘口及青石嶺七年涇原節度使劉昌築保定城捍青石嶺即此

青溪嶺 在治西南宋建炎三年金襲宿侵涇原經畧使曲端遣將吳玠逆擊於青溪嶺敗之紹興中撒离喝

自鳳翔趨邠州涇州將田盛遣兵擊之於青山嶺寇引去即此

安仁谷 在東南四十里古長城砦昔范仲淹奏遣宋良等控守於此

馬安坂 在州西晉義熙十三年後秦將姚紹自安定擊赫連勃勃於馬鞍坂破之即此

南原 在治南 北原 在治北

中原 在治西

涇水 在州境自平涼西南來發源研頭山東流入邠州長武縣界郡志涇河自邠以上灘淺而流急故濁自邠

以下灘深而流緩故清入渭則涇清而渭濁又曰涇河水石湍急地勢高亢故不能引以為利至涇陽則就平且蓄矣

渭水 在西南自崇信界來發源華亭縣湫頭山之朝那湫東至涇宮山下與涇合流入渭

關川 在治南三里

奔水 在治西南一名閻子溝源出州南二十里支家舖有暖泉滌流西北入內味甘與朝那溝多暴漲為民害

後川河 在治北四十里發源交龍口亦曰橫河自鎮原縣流入涇東北三十五里由淺河川至長武縣界入

涇州北諸水陽皆入涇陰皆入橫河

盤口河 在治南三十里與靈臺縣接壤東流至長武縣淳口入涇

朝那溝 在治東 甘家溝 在治東

何家溝 在治東 王執槐溝 在治東

羅漢洞溝 在治東 賴王家溝 在治西

七里頭溝 在治西 十里頭溝 在治西

地輿

盛水溝

在治西
南十里

焦家會溝

在治西南
十五里

龍王村溝

在治西南
十七里

鄭家溝

在治西南
二十里

百烟村溝

在治西南
二十五里

梁家溝

在治西南
三十里

棗林溝

在治西南
三十五里

十里舖溝

在治西
十里

焦家溝

在治西
十五里

二十里舖溝

在治西
二十里

相家溝

在治西
二十五里

王村溝

在治西
三十里

百泉溝

在治西
三十五里

土垢舖溝

在治西
四十里

陽披溝

在治西
北十里

完顏溝

在治西北
十五里

倉底溝

在治西北
十七里

祝家溝

在治西北
二十里

下雷溝

在治西北
二十五里

止雷溝

在治西北
三十里

瓦窰坡溝

在治北
七里

東庵溝

在治北
十里

下蔣家溝

在治北
十五里

窰頭溝

在治東北
二十五里

五塚溝

在治東北
三十里

挽頭坪溝

在治東北
三十五里

一鄉鎮

城內南北前大街南北後大街城隍廟街州前街東西南

三關廂皆屬在城里外分十六里里統各甲

州城內 曰在城里

州城東 一曰金村里 一曰養賢里 一曰王曲里

一日北作里

州城西

一日十八里

一日陽保里

一日永豐里

州城南

一日太安里

一日涇川里

一日回中里

一日辛興里

一日原店里

州城北

一日長受里

一日永寧里

一日窰頭里

一日六盤里

窰店鎮

在王曲里中有界牌東屬長武縣西屬涇州東七十里

瓦雲鎮

在北作里州東五十五里

高家凹

在太安里州東四十五里額設所夫三十名

王村鎮

在十八里州西三十里置有公館地基一處四至在卷存工房

荔家堡

在金村里州東北五十里

豐臺鎮

在六盤里州東北三十里

玉都廟鎮

在窰頭里州北三十五里

党原鎮

在永豐里州西北三十里路南屬鎮原縣路北屬涇州

一古蹟

唐長武城

在王曲里至州六十里

薛舉城

在永寧里至州十五里

朝那城

在同中里至州二里兩壁峭立沿岸多桃花今城廢

五塚

在六盤里至州二十五里

百泉

在十八里至州三十五里泉清水甘林木茂密為涇之一勝

廣如亭 在宮山上關西道胡松有記載郡志今缺

石崖洞 在永寧里至州十里

舊城基 在長受里涇河北至州五里

瑤池 在宮山之陽傳為王母晏周穆王處環池皆山泉自石竇中出噴激湍漩縹碧涵青其傍峭壁天懸石黑

似古鐵又諸泉公起滴瀝如雨諸名賢題咏載藝文誌

共池 在治北水泉寺方廣一畝淵靜澄徹銀光射人中有亭錦鱗游泳其間景頗幽寂昔周共王游此密康公

從時有三女奔康公受不以獻王其母曰獸三為羣人三為眾女三為粲粲美物也而何德以堪之王猶不堪

况爾德小醜乎康公不聽一年而王滅密

一八景

瑤池夜月 涇水秋風 古栢垂青 涵干晚渡

宮山曉鐘 高峰春雨 共池湧碧 百泉漱玉

分守關西道右叅政滁上胡公松志曰今郡邑志古侯國

史也涇幅員廣袤可二百里河自岍頭來經城東西北綱

紀關西合渭入河其利甚鉅顧涇人習見近害不睹遠利

遂漫視之不知涇陽富平高陵淳化諸縣寶此不啻膏露

余嘗思跡前人布導斯利然日淺不暇後必有同是心者

矣且蕃蔽邠寧控扼原慶番虜羌氏屢經寇暴盜賊兇逆

或時窺覘故漢王尊馮異唐馬璘段秀實宋張齊賢滕宗

涇州志 卷一
諒韓范諸公經營之跡往往具在至於忠孝節烈勛庸之士則亦代有其人而猥從放佚抑遏弗彰徒散見傳記百家之言莫之彙次豈非吾黨之責與又涇士久弗顯多疑風氣要之不然大都地氣盛衰人事臧否每相承代盛自有時嘗登陟回山以望諸山環萃涇汭合流盤礴雄遠氣勢甚盛異時必有定國家安社稷樹勛伐之臣出乎其間夫豈虛生此山川哉斯則深有望於後賢君子焉

按郡志云涇西至平涼同據涇川而以百泉爲境百泉故縣也其南山谷有泉數十西去涇原之百泉歷百八十里而涇川實聯絡其間邊地斥荒類如是云蓋百泉源委乎涇故總而稱之無可疑者南山率有谷水皆北流絕官道以入涇州西二里曰回中山汭水道崇信西南越其東西山之陰曰湫池入涇南山之陽曰煖泉南去三十里曰閣川皆入汭渡汭爲州城跨高峰之麓西南曰弇山右溪曰閣子溝左溪曰朝那溝皆常暴漲爲州民害東北曰米麵山又東三十里曰羅漢洞又東四十里曰唐長武城而其上大原如砥東西百餘里與邠均有之官道貫其中南暨靈臺之盤口河北皆抵涇涇

北為故州城有水泉出佛寺下云古共池也有金鯽菴
 菑左曰碧泉洞上曰兼山東十餘里有薛舉城即折塘
 東原十餘里泉曰湫池又北三十餘里原曰烏氏城又
 北十餘里曰後川河鎮原之橫河也南北皆原谷水皆
 注之東至長武之北而入涇兼山之西二十里曰皇甫
 頭又十里曰閣道又十里曰黨原城諸谷水陰皆入橫
 河陽皆入涇

一物產

穀類

黍 有五色粘者釀酒

稷 有五色炒者最良

梁 黃白青三種

粟谷 種類十數粘者釀酒

麥 大小二種

菽 一曰蕎

麻子 可作油

胡麻 可作油

芝麻

豆 有五色大小不一

邠豆 有白麻二種

菹豆 白者良

小豆 有五色

綠豆

菜子 可作油

蘇子

葛秋

鹹谷

蔬類

葱

韭

茄

匏

芥菜

白菜

蔓菁

蘿菠

菠薐

蒜 有紫白二種

小蒜 野生

芫荽

萵苣

萵蒿

芹苳

胡瓜 俗名黃瓜

西瓜

甜瓜

絲瓜

姜豆

扁豆

苦苣

薺

薤

灰茗

苦菜

蒼蓬

力筋 可作掃帚

苜蓿

果類

桃

杏仁 有甘苦二種

李 有紅黃二色

梨

棗

棠

花紅 來禽接者

來禽

核桃

櫻桃

葡萄

木瓜

萍果 似來禽而大色白

木類

椿

樗

榆

槐

榭

櫟

橡

松

栢

桑

楊

桐

楸

柳

竹

柘

藥類

地輿

甘草 沙參 柴胡 黃芩 地黃

甘菊 菟絲子 烏頭 遠志 苦參

茵陳 車前子 知母 防風 麻黃

半夏 地膚子 蒼耳 紫苑 王瓜

蘆根 澤瀉 胡索 枸杞 莞花

牽牛 劉寄奴 蕁麻 巨勝 紫蘇

香薷 地骨皮 馬蘭 蕤仁 地榆

欵冬花 續隨子 蒲公英 夏枯草 棗仁

五加皮 桑白皮 蒴藋 牛蒡 地錦艸

益母草 翻白草 地丁 金銀花 紅蓼

龍骨 羊膽 蜜蠟 斑貓 石鱷

僵

花類

牡丹 芍藥 罌粟 萱草 刺梅

雞冠 薔薇 葵有黑紅白四色 金盞 玉簪

海棠 石竹 射干 百合 菊

紫荊 麗春 龍栢 珍珠 地棠

赤檉

禽類

鷺

雞

鴨

鳩

鷹

鷓

鷓

燕

鴿

雀

鷺

鷓

鳧

鳩

鴉

雉

豚

布谷

斤鷓

鷓鷄

金翅

鳩鷓

梟

獸類

馬

驢

牛

羊

狗

狐

盧

兔

猫

猫

蝟

鼠

鼯

鼯

黃香

狸

狼

黃鼠

水族

鯽 有金玳瑁色者有青者
白者涇水流急難蓄

鯨

鱉

蛇

虫類

蠶

蜜蜂

黃蜂

蛾

蟬

螢

螳螂

蜻蜓

蝶

螟蛉

蚊

蚋

蠅

蟋蟀

蜘蛛

青蛙

蝦蟇

螺

蚯蚓

蟻

鼠婦

衣魚

蝸牛

蛞蝓

蚩虫

水蛭

蝨斯

蚱蜢

守宮

蚰蜒

蜉蝣

鼯

顛當

壁錢

蠼螋

樛雞

馬陸節虫蟻

螻蛄

好坊

蟪似蛛而小或在穴或在草

結網如罾

蠅虎

一風俗

涇居秦西鄙地瘠民朴半多穴處有邠土之遺風焉地廣原多川少畏旱潦宜五穀蔬菓農民務稼穡耕耘之外無他能女不織紡俗尚節儉婚姻喪葬歲時令節不事浮華但崇釋氏信巫覡嗜麩藥好鬪弗釋於睚眦之忿又貧瘠多逋賦爲士者誦習時藝於先儒傳註少知講解故邇來選止鷹揚是惟司牧者勤懲勸以變俗興文教以移風俾秀者有高崗之鳴樸者安阜成之樂水之漸與木之植與又安見古治不可復耶

文安具古由不可廢

古者以禮制之無善不舉無惡不懲

禮者治之具也禮者教之節也

禮者天之經也禮者地之義也

禮者民之望也禮者天之經也

禮者地之義也禮者民之望也

禮者天之經也禮者地之義也

禮者民之望也禮者天之經也

建置誌

古建國親侯墉隍劃趾勾陳定位神京之芳榮郡邑之藻

飾非直為觀美也所以莫社稷享鬼神司險守固意深遠

矣周禮設官展采豈特城郭溝池頒其法即閭塾材器之

在士庶者亦所不遺涇自移治以來增制頗繁詳載之以

郡守誌建置

一城池制城原在涇河之陽元張爾巖兄弟據其城明將徐達常遇春屠之嗣因水害無常遂遷於涇陰即古安

定驛也成化十三年知州曹光增修東城州人閻鉅有

記正德十四年知州宋灝增修西城嘉靖二十四年知

州張髦士重修平邑趙時春有記均載藝文

建置

土城一座週圍三里三分高三丈濠濶二丈

女牆磚砌久圯建門

三南曰承熙北曰永寧南左曰東盛

一公廨

州署在城中央

建自前明洪武年間後屢加增修日久坍塌乾隆五年知州許宗味詳明動帑重修

大門三間

儀門三間

東西角門

大堂五間

內東一間銀庫

捲棚五間

東西六房共十二間

左承發房吏戶禮右兵刑工倉房屯

房糧

二堂三間

東書房三間

西庫房三間

西門房三間

三堂三間

東內書房三間

西內書房三間

正上房五間

東西廂房六間

後羣房五間

茶房二間

廚房五間

以上俱知州許請帑建修外南書房上下七間二堂左側房三間上房東首正房三間係續修

儀門右為犴獄

正監三間

女監二間

獄神廟一間

土地祠

在儀門外左側

州判署在州衙左側

康熙二十年知州閻閻淳州判孟文修雍正九年州判王以中重修

大門一間

正廳三間

內書房三間

西書房三間

吏目署在州判衙左側

大門三間 申廳三間 內正房三間

廂房各三間 南北書房二間

學署在學宮左側

安定驛 在州衙後左側中為馬神廟東西馬號
各八間 南為戲樓乾隆十八年重修

瓦雲驛署 在北作里治東五十五里衙署年久多損
壞乾隆十八年驛丞姚永和捐俸補修

高家凹所 在治東四十里

遞運所 在城以上二所原各設大使一員
久奉裁今每所仍設所夫三十名

陰陽學 醫學

僧綱司 道紀司

學宮

文廟 在南門內大街前明洪武二年詔天下郡縣立學
建於洪武七年以關隴後平故也正德十四年知州味

灝始新之嘉靖二十四年知州張髦士再新
之 本朝雍正十三年知州張儒復加修葺

大成殿三間 東西兩廡六間 戟門三間 泮池

櫺星門左義路右禮門 以上三門乾隆十八年知州張
延福學正劉慶雲訓導李廷蔚

宮牆萬仞牌坊一座 臨街
修 東向

崇聖祠三間 明倫堂三間 名宦祠三間

鄉賢祠三間

尊經閣 創自嘉靖三年雍正十三年重修

射圃亭基一處 在大殿西

一壇宇

山川社稷壇 在北門外

風雲雷雨壇 在南門外

厲壇 在城西南

先農壇 在東門外

八蜡廟 在東門外

節義祠 在北門內

忠孝祠 在櫺星門外

一寺觀

城隍廟 在治後街

文昌閣 在南城門樓

關帝廟 在治後街

奎星樓 在城東南隅

真武廟 在北城門樓

永慶寺 在治東北

準提菴 在治東後街

三官廟 在治西北隅

馬王廟 在治西北

王母宮 在山上

關將軍祠 在城西三里

兜盧寺 在城西三里今廢

華嚴海印寺 在治東 一名水泉寺 內有二郎廟 至治十八里百泉溝

東嶽廟 在長安里至治五里

龍王廟 在回山麓

佑聖觀 在治東

高公寺 在治東山上 魏唐有碑文 缺

蕭寺 在治東

石窠寺 在永寧里至治十五里

丈八寺 在永寧里至治二十五里

善文廟 在義賢里至治二十里 建於唐

羅漢洞 在太安里至治三十里

白馬寺 在陽保里州西南三十里

朝那廟

在州東二里漢初匈奴老上單于寇朝那蕭關北

地都尉孫名印兵不滿千抗十萬虜虜之虜戰不

雲寂院

一名東高寺在瓦雲鎮東南五里至州六十里山

門內古栢一株大數人圍高六丈餘相傳唐代所

一儲郵

常平倉五十間

在開帝廟後

常平倉九間

在大衙路西

常平倉九間

在土地廟後

常平倉十間

在馬道西

常平倉五間

在大堂西

養濟院

在滄西北隅

義塚四處

一在東關外五就一在

在西關外五就一在王村鎮西三就

一津梁

汭河渡

在同山之陽冬春設板橋夏秋水暴漲無常船隻難設因設水夫歲給工食詳載賦役志

涇河渡

在同山陰設橋亦如汭

川口橋

在治東北赴荔嶺要道春冬設板橋夏秋撤去

一陵墓

漢陵

在治南五里相傳漢宗室墓此

陳平墓

在同山嶺

明藩韓王墓

在治西長受里至治十五里

大同知府閻瑛墓

在治北金村里至治四十里

贈禮部尚書閻鉅墓

在治西長受里至治十里

朝列大夫李發墓

在同山崗建置

極廣大矣

無賦徭尚書

大同賦徭

國書

賦徭

賦徭

賦徭

賦徭

賦徭

賦役誌

則壤成賦禹貢特詳蓋地分肥磽人多寡已寓撫字於催科之中我

朝寬恤之政度越前古正貢之外毫無銖求而微青偏災復借賑兼施焉涇地素稱貧疲仰邀異數者屢矣但一切經費徭役歲有定額是必上有惠保之仁而下有急公之義則兩得之矣誌賦役

一田地

一府志載原額民地三萬一千三百五十一頃通志載三

千四頃九十四畝零賦役全書原額折正一等民地共
地一萬一千三百二頃六十九畝三毫內除順治七年
奉

旨豁免過荒並文明真荒地六千二百六十頃九十一畝五分
七釐二毫

止該實熟地五千四十一頃七十七畝四分三釐一毫又
乾隆三年欽奉

上諭事案內勸諭里民開墾入額地五百畝九分二釐九毫

一更名原額川原平沙陡坡共地二十四頃六十二畝六

分內除荒地五頃一十四畝

止該實熟地一十九頃四十八畝二分

一雍正五年在於遵

旨議覆事案內

接收平涼衛原額屯地一千六百二十九頃一十九畝二
分內除荒地六百六十二頃三十二畝二分三毫五絲
止該實熟地九百七十六頃八十六畝九分九釐六毫五
絲

又雍正八年在於欽奉

上諭事案內首報開墾入額地八十二畝六分二釐八毫三絲
三忽三微三纖三塵三渺三漠

又雍正九年在於

題明復查歸併衛所形勢等事案內

新收平涼崇信鎮原隆德靜寧及慶陽府屬安化六州縣
屯地又除本案內復查改歸平涼靜寧靈臺鎮原安化
五縣屯地

止該原額實熟併首報新收共地六百三十二頃四十二
畝八分二釐八毫三絲三忽三微三纖三塵三渺三漠

一接收固原衛實熟屯地一頃二十畝

以上民更屯共實熟地五千六百九十四頃八十九畝

四分五釐九毫三絲三忽三微三纖三塵三渺三漠

一丁口

一原額人丁三門九則不等共折下下丁二萬三千三百

一十丁除優免丁四百九十八丁

實行差丁二萬二千八百一十二丁順治七年奉

旨豁免過逃亡丁一萬二千九百三十三丁內節年招回併編審出

丁三百六十二丁

實逃亡丁一萬二千五百四十一丁

實活丁一萬二百七十一丁

一歸併平涼衛原額屯丁三門七則不等共折下丁六百一十六丁

以上民屯共一萬八百八十七丁外滋生丁五年一編審隨時增減並無額數

一錢糧

一原額民地每畝科本折糧二升二合二勺五撮六圭三粟六粒除豁免過荒併本色起運糧一百七十八石四

斗二升七合三勺二抄二撮六粒九顆又存留本色官

學倉糧一百一石四斗三升八合一勺九抄九撮一圭

六粒七顆每石折銀八錢該折徵銀八十一兩一錢五

分五毫五絲九忽三微三纖三塵六渺

折色糧一萬九百一十五石七斗六升五合四勺七撮八

圭四粟九粒三顆每石折徵銀一兩六分五釐八毫六

絲五忽五微

該折徵銀一萬一千六百三十四兩七錢三分七釐七毫

五絲四忽三微一纖九塵六渺

一原額實徵均徭銀二百九十八兩九錢三分一釐三毫
一絲八忽二微四纖四渺

一實在活丁一萬二百七十一丁每丁原征銀一錢二分
四釐五毫四絲四忽一微四纖五塵六渺該銀一千二
百八十兩一錢四分七釐六毫三絲八忽一微三纖九
塵二渺內優免丁一十八兩四錢四分六釐八毫五絲
三忽二微於雍正五年請做以糧載丁之例等事案內
奉

旨通省以糧載丁每銀一兩均載丁銀一錢六分八釐七毫

絲四忽六微七纖四塵九渺一漠除通融均攤解藥脚
價銀一錢一分七釐九毫

止該均載丁銀二千五十七兩四錢三分五毫九絲三忽

六微二纖八塵八渺二漠

外遇閏加銀一百一十四兩六錢一分四釐八毫六絲八
忽八微

又以糧載丁新增閏月銀一十七兩九錢五分九釐二毫

五絲六忽八微三纖五塵三渺五漠

一於乾隆三年在於欽奉

上諭事案內新墾民地照原例科糧除本色起運糧一斗七升
 六合五勺二抄六撮七粟九粒一顆又存留官學倉糧
 一斗一合五勺三抄六撮一圭六粒三顆折徵銀八分
 一釐二毫二絲八忽八微八纖
 折色糧一十石八斗四升五合四勺三抄四撮九圭四粟
 七粒三顆

該折銀一十一兩五錢五分九釐七毫七絲四忽九微四
 纖二塵八渺二漠

又均徭銀二錢九分七釐七絲四忽七微三塵三渺六漠

實共該徵銀一十一兩九錢三分八釐七絲八忽五微九

纖六塵一渺八漠

外遇閏加銀一錢一分二釐四毫六絲八忽二微六纖一

塵九渺八漠

一於乾隆三年在於敬陳管見事案內新收

額外匠價攤入地糧銀五十九兩四錢三分四釐一毫

外遇閏加銀四兩九錢五分二釐八毫四絲一忽六微六

纖六塵六渺

一更名地每畝科糧無則實徵折色糧三十七石六斗四

升八合

該折徵銀三十三兩三錢五分一釐七毫四絲八忽八微

又新增糧銀四兩二錢九分六釐一毫八絲一忽七微

七纖

又均載丁銀六兩三錢五分二釐八毫八絲七忽八微五

塵七漠

更名地係前明分藩韓王庄田丁無原額

共銀四十四兩八毫一絲八忽三微七纖五塵七漠

外新增閏月銀二錢三分一釐六毫三絲二忽八微八纖

五渺

一原額併新墾起運本色糧一百七十八石六斗三合八

勺四抄九撮八粟六粒

一接收平涼衛地每畝科本色糧五升七合八勺八撮七

圭一粟二粒

實徵屯本色起運糧三千七百四十九石九斗三升九合

三勺每畝徵地畝草價銀二分八釐一毫九絲九微七

纖八塵一渺

該徵草價銀二百一十三兩六錢七分八釐三毫五絲一

忽一微五纖每畝均載丁銀一錢六分八釐七毫四絲

四忽六微七纖四塵九渺一漠

該丁銀三十八兩四錢三分

二共草價人丁共銀二百五十二兩一錢八釐三毫五絲

一忽一微五纖

遇閏加銀四兩三錢二分八釐四毫二絲一忽三微一纖

八塵四渺四漠

一接收固原衛實在本色糧二石均徭銀一錢六分草三

束

以上民更屯共徵銀一萬四千四百三十九兩八錢九

分一釐五毫七絲三忽六微四纖三塵六渺七漠

遇閏共加銀一百四十二兩一錢九分九釐五毫八絲九

忽七微六纖二塵八渺七漠內

起運銀一萬五十四兩九錢七分八釐七絲一忽八微二

纖六塵四渺二漠

遇閏加銀九十三兩六錢三分二釐一毫五絲五忽四纖

二塵八渺七漠

存留銀四千三百八十四兩九錢一分三釐五毫一忽八

微一纖七塵二渺五漠

遇閏加銀四十七兩一錢八分四釐一毫四絲八忽二微

九織

共徵起運糧三千九百三十石五斗四升三合一勺四撮

九圭八粟六粒 每年奉文估撥提標兵糧

一額外

課程銀一十八兩三錢三分

遇閏加銀一兩五錢二分七釐五毫

地稅銀八兩 在稅契銀內抽解稅契無定額儘收儘解

解藥腳價盤纏銀二兩九錢七分九釐九毫

藥味折價銀二兩七錢九分

一鹽課

額銷花馬小池鹽引九千五百八十六張每張徵課銀二

錢一分五釐五毫該課銀二千六十五兩七錢八分三

釐一雍正十一年在於署員成效已著等事案內增銷

花馬小池鹽引一百五十張每張徵課銀二錢一分五

釐增課銀三十二兩三錢二分五釐

二項共銀二千九十八兩一錢八釐

一雜稅

當稅銀三十五兩

牙帖

畜稅均無定額儘收儘解

一倉貯

一常平舊無定額乾隆十五年欽奉

上諭事案內議定額貯京斗糧八萬石折倉斗糧五萬六千石

現貯倉斗糧一萬五千四百三十九石零

截至乾隆十八年八月止內有

民欠未完虧空應追糧三萬三千九百五十石零乾隆十五年遵旨議奏事案內奉文先令收捐監糧補額

一社倉現貯糧二百石

一祠祀

文廟額設祭祀銀四十五兩

內實徵存留銀三十五兩八錢一分四釐八毫七絲二忽請領

復荒銀九兩一錢八分五釐一毫二絲八忽

武廟額設祭祀銀二十一兩八錢八分係 藩庫請領

各壇廟額設祭祀銀一十四兩五錢九分二釐二毫八絲三

忽一微二纖五塵係 藩庫請領

一鄉飲額銀一兩五錢

內除荒銀八錢二分八釐四毫七絲一忽一微五纖不支外實支實

徵銀六錢七分一釐五毫二絲八忽八微五纖

一學田

坐落玉都廟寧神道原學田三十畝今查丈實地三十一畝

坐落西十五里舖原學田四十二畝今查丈實地三十八畝八分

坐落北門外原學田一畝今查丈實地六分六釐

坐落東門外臨河原學田四十五畝今查丈實地三十七畝一分九釐

以上學田四處共實地一項七畝六分五釐每年徵收

租銀移學分給貧士卷存禮房

一義塚地八畝坐落西門外丁家山東寬三十六弓西寬

三十九弓南北各長五十弓道光十一年浙紹孫佛保

勸捐買置碑立關帝廟契存戶房卷存刑房

官師誌

古設官分職各有攸司周禮太宰施典於邦國而建其牧立其監設其叅傳其五陳其殷置其輔政化之原治亂所從出也今之名位雖殊而核實則一鞠茲黎庶捍我牧圉當亦有履位知艱食土思報者乎是存乎恪供厥職者矣

志官師

一官制

涇自漢建安定郡遂為關隴巖疆歷代守土督軍者漢置太守魏有總管唐有節度宋有安撫唐宋以前州郡遞改

至元諸路皆立府始因府分州為上中下三等知州者
各不同明立知州知州事無上中下同知通判佐之屬有
吏目其儒學學正及雜職如府

國朝額設知州一員州判一員吏目一員儒學學正一員訓

導一員瓦雲驛驛丞一員前明額設訓導三員奉裁二員
原額設遞運所大使一員金家

凹巡檢一員高家凹遞
運所大使一員俱奉裁

一職官

漢

王尊字子貢涿郡高陽人少為獄吏獄事辦去學尚書論

語通大義察廉補縣長徵舉直言遷號令高第轉為安定

太守教屬縣令長丞尉守法愛民抑強扶弱正身率下明

示以法又勅椽屬各砥厲廉隅籍五官椽張輔奸賊百萬

威震部中盜賊銷散豪猾嫉之坐殘賊免後為司隸校尉

京兆尹為漢名臣

蕭由字子驕杜陵人前將軍望之子也為丞相西曹賓長

授定陶太原都尉遷安定太守治郡有聲朝野稱之

霍雋諱子桓帝嘉諱面陳梁冀罪及冀誅以雋為安定太

守

魏

張旣字德裕高陵人爲安定太守十餘年夷夏畏服

晉

賈疋字彥度武威人少有才望初辟公府遷安定太守翼戴愍帝卒死之

北魏

陸俟代人太武間以征赫連昌命俟督諸軍轉武牢鎮大將平涼林屠金崖羗狄子玉等叛進安定鎮大將討獲之從征蓋吳功遷內都大官

陸騰字顯聖俟孫也少慷慨有大節歷總管節度位在國爵上庸公建德二年徵拜大司空出爲涇州總管

陸希道字洪度騰孫也涉經史能文初授中散遷通直郎擢平西將軍涇州刺史

賀拔岳字阿斗泥神武尖山人少有大志愛施好士爲太學生善左右騎射勇氣絕人以功累遷光祿大夫武衛將軍討萬俟醜奴有功進岳都督涇州刺史封公
婁寶字道成代人淳朴好學明帝時爲朔州刺史清簡寡言守靖謙恭爲人所敬後行涇州事卒

涇州志 卷一 上 官師
盧道裕字寧祖伯源孫亦以學行名尚獻文樂浪公主爲
駙馬都尉遷涇州刺史

李世哲穎邱人性豪俊頗有將材爲三關別將有功遷涇
州刺史

源彪字文宗西平人賀曾孫也天平二年拜涼州太守皇
建二年遷涇州刺史以恩信得衆心邊賴以安

張彫武中山北平人少好學負笈千里從師通六經爲平
原太守遷涇州刺史

北周

竇熾字光成扶風平陵人剛嚴好謀美髯身長八尺涉獵
春秋善射有勇力大統十二年進驃騎大將軍開府儀同
三司加侍中出爲涇州刺史蒞政數年廉靜宜民

馮景河間武垣人歷尚書令史後孝武西遷以奉迎功封
高陽縣伯除散騎常侍大統間詔行涇州事

王德字天恩代武州人少工騎射以孝友稱除平涼郡守
德目不知書斷决無失吏稱最遷涇州刺史

隋

薛回字道一河東汾陰人爲涇州刺史

唐

尉遲恭字敬德朔州善陽人會突厥入寇投敬德涇州行
軍道總管恭教軍士偽胡服雜胡騎中乘間擊斬大破突
厥於涇陽之西

楊炎爲涇州都統燕王李藝反炎勒兵攻之藝衆潰斬首
送長安

郭子儀陝西華州人武舉廣德元年吐番入寇陷長安子
儀復之永泰元年加涇原招撫使

馬磷大曆三年爲涇原節度使八年吐番寇涇州磷乘夜
潰吐番營入朝加上僕射還鎮涇州

段秀實爲涇州刺史兼御史大夫旋進節度使德宗建中
元年徵爲司農卿宰相元載議城固原遷鎮秀實知軍情
不樂忤元載故罷

朱仁明涇州浚儀人爲四鎮北庭涇原節度使涇州刺史
賜名忠亮憲宗時加御史大夫以增修涇城加檢校工部
尚書涇俗多賣子忠亮以俸贖還之

康季榮宣宗大中三年吐番以三州七關歸附季榮復渭
州原州安樂州石門驛藏木峽制勝六盤石峽關及溫池

鹽池改樂安爲武州邠寧復蕭關涇原賞絹六萬疋其鹽
利以贍軍腴田以業民五年輸稅

裴識故名相度之子才兼文武爲四鎮北庭涇原渭武節
度使識治障塞屯田立更戌法戍人親年七十以上者歸
養人皆悅服

劉知俊善戰有謀爲彰義節度使鎮涇州

李嶠字巨山趙州贊皇人爲監察御史文學蘊藉著於朝
坐事貶安定尉後召爲鳳閣舍人

五代

楊廷璋字溫玉真定人爲河陽巡檢知州事周太祖卽位
涇帥史懿稱疾不朝命廷璋在代之且密戒曰懿懷異卽
圍之廷璋至屏人以詔書諭以禍福懿感悟卽受代涇原
安輯

張鐸太祖建隆初以清河公爲彰義節度使鐸武人以賊
敗乾德元年改命文臣以京職知州事而征行用都副部
署招討使矣節度使刺史之名特以崇秩不預焉
趙遠字尚文幽州人爲涇州判官清廉爲民所懷

宋

張齊賢曹州宛句人爲涇原安撫經畧使時李繼遷陷清遠軍齊賢部分諸將却之

孫全照字繼明莫州清苑人真宗咸平二年授涇原鈐轄

兼安撫部監

楊瓊汾州西河人咸平四年爲涇原儀渭邠等州路副都

部署

張煦字輔陽開封人咸平中平蜀有功遷涇原路都鈐轄

景德元年領賀州刺史復爲涇原等州戒軍鈐轄

夏竦字子喬江州德安人進士及第仁宗寶元初爲忠武

軍節度使知涇州

韓琦字稚圭相州安陽人舉進士及第命爲陝西安撫使

嗣又爲陝西四路經畧安撫招討使屯涇州

時西夏元昊叛琦奉使蜀

歸言西師形勢甚悉因命爲安撫使會劉平戰敗宰相信流言繫平家琦理出之進樞密直學士副畧竦爲經

畧安撫招討使奉詔出兵而琦亦欲以先發制賊衆持不可元昊送寇鎮戎琦畫攻守二策馳奏仁宗欲攻而

執政難之琦言元昊之衆不過四五萬而吾以二萬人分守反強爲弱若併力鼓而前乘賊驕情可破也乃詔

中嚴諸將爲備夏果寇山外琦悉兵付大將任福令由懷遠城趨德勝砦出賊後不利即據險置伏要其歸戒

曰苟違節制有功亦斬福竟爲賊誘陷喪師好水川夏竦使人收兵得琦檄於福衣帶言罪不在琦琦乃自劾

褫一官未幾復之爲陝西四路經畧安撫招討使屯涇

州琦與范仲淹久練邊務威望甚重天下稱為韓范宿衛兵皆東方來戍不習勞苦琦奏募土兵以代建德順軍以遮蕭關鳴沙道方謀取橫山而元昊稱臣事遂寢

范仲淹字希文蘇州吳縣人舉進士第元昊反進樞密直

學士右諫議大夫為經畧使知延州慶曆二年與韓琦同

為陝西經畧安撫招討使駐涇州初上命文彥博經畧涇原帝以涇原傷夷欲徙

仲淹遣王懷德諭之仲淹謝曰涇原地重第恐臣不足當耳故與琦共政涇州琦兼秦鳳臣兼環慶涇原有微

則臣與琦合秦鳳環慶之兵合而攻之秦鳳環慶有微則率涇原之師以援之練兵選將規復橫山以斷賊右

背數年可期平定矣願詔龐籍兼領環慶以成首尾之勢秦州委文彥博慶州用滕宗諒而總之以孫沔渭州

武臣足矣中從從其言文有是命

王堯臣字伯庸應天虞城人舉進士為翰林院學士夏人

叛為陝體量安撫使遂請涇原五州營田

狄青字漢臣汾州河西人善騎射通春秋兵法以破元昊

功多遷西上閣門副使涇原路副都總管經畧招討使加

捧日天武四廂都指揮使仁宗嘉重欲召見問方畧會賊

寇渭州不果命圖形以進

趙振字仲威雄州人以破夏人功遷涇原都監子珣瑜工

騎射皆擢通事舍人珣年十六為招討都監予兵萬人令

自擇裨貳屯涇原與葛懷敏合兵禦元昊獻策過寇路敏不聽遂俱覆没人多惜之贈莫州刺史

張昇字杲卿韓城人舉進士累官度支員外夏竦薦改六宅使涇原秦鳳安撫都監十六歲時嘗隨監于武安人合李緯楚邱人爲涇原都監夏人大舉入寇緯將禦之而帥司遣援兵將郭志高逗遛諸將度衆寡不敵不敢出緯坐重責子師中年十五言時政詣宰相呂夷簡辯父無罪數詰難不屈且曰師中爲父辯非爲己也自是知名舉進士賈逵真定藁城人爲殿前副使遷涇原副都總管高敏登州人爲涇原指揮使數與夏人力戰中創韓琦范仲淹薦之爲閣門祗候

朱友恭西安人以忠翊郎爲涇原將帥步兵禦金人於華亭數勝金兵金人獲之使詣渭帥說之降友恭誓帥金斷其脛以狗乃殺之贈敦武郎

曲端字正甫鎮戎人父渙任左班殿直戰死端三歲授三班借職警敏有文武才畧爲涇原路第三將夏人寇涇原帥司統制李庠與端禦之庠屯栢林堡不備爲夏人所襲兵且潰端力戰却之振旅還

李繼昌字世昌潞州上黨人授連州刺史知涇州天禧中柴禹錫字玄圭大名入知涇州

王文實揚武人以東上閣門使知涇州

魏廷式大名宗城人興國五年進士拜右諫議大夫知涇

州

李若拙字藏用京兆萬年人以蔭補齋郎舉進士高第淳

化二年遷主客郎中江南轉運使宰相言其稽緩坐罷使

知涇州

安俊字智周太原人遷內監崇班涇原都監禮賓使會葛

懷敏敗為秦鳳路鈐轄復徙涇原因條上禦戎十三事改

原州徙高陽關路原州刺使知涇州

蔣偕字齊賢華州鄭人少貧能自立舉進士改環慶路兵

馬都監知涇州

劉几字伯壽第進士征賊有功進皇城使知涇州

楊文廣字仲容太原人延昭子業之孫屢破夏人詔書嘉

問賜襲衣帶馬擢知涇州鎮戎軍

尹洙字師魯河南人與兄源俱博古好學舉進士受知韓

琦大將葛懷敏辟為經畧判官會劉平石元孫敗績以夏

賊為經畧安撫使韓琦范仲淹副之亦以洙為判官累遷

知涇州

滕宗諒字子京河南人范仲淹同年進士除刑部員外郎
直集賢院知涇州

李及之字公達漢人宰相迪猶子以蔭登第知涇州吏事
精明號為稱職

李復圭字審言徐州豐人為度支判官知涇州始三司折
輸二稅以重估轉運使復加折復圭奏免民立祠祀之

劉航安世父也魏元城人第進士知涇州神宗伐西夏徙
知陝州

周永清字肅之靈州人州陷夏祖美歸京師永清以書從
仕宰相龐籍薦其忠勇加閣門祗候歷渭水鈐轄兵部
無紀永清訓以李靖兵法帥蔡挺上其圖以令諸軍後擢

涇原路鈐轄涇州

杜惟序字舜功定州安喜人審琦曾孫歷三班奉職東上
閣門使知涇州

劉永年字君錫并州人以蔭授內殿重班累擢知涇州帝
賜詩寵之

种諤字子正以任累官東上閣門使知涇州
段少連字希逸開封人以龍圖閣直學士知涇州通敏有

才斷决如流士民畏服

陳貫字仲通河陽人知涇州謹察盜賊禁戢游閑檢飭簿書筦庫賦租出入謂僚屬曰官物卽已物客可輕乎人服其嚴明

程戡字勝之許州陽翟人少力學舉進士補涇州觀察推官歷陝西都轉運使改知渭州

韓維字持國力學剛正登進士禮部以父億輔政納告身受蔭入官遷通判涇州後爲賢相

王巖叟字彥霖大名清平人幼穎悟能文仁宗患詞賦浮薄初置明經科巖叟年十八鄉試省試廷對皆第一除樂城簿涇州推官卒爲名執政

范祖述成都華陽人受知文彦博坐黨籍監中岳廟久之通判涇州

王庶字子高慶陽人崇寧五年進士知涇州保定縣

金

張行字信甫金興定二年爲彰化軍節度使兼涇州管内觀察使

把胡魯貞祐二年爲涇州管内觀察使

元

張榮至正末知涇州明兵臨城不降死焉

明

分守關西道右叅政

李 冕

字端甫山東章邱縣人嘉靖丙戌進士授魏縣知縣陞監察御史出為知府陞按察副使二十七年

陞

呂時中

直隸清豐縣人嘉靖辛丑進士改翰林院庶吉士歷都給事中三十二年陞任三十六年陞山西按

察使民為建生祠以報德

遲鳳翔

山東臨朐縣人嘉靖甲辰進士歷戶部主事員外兵部郎中洮岷邊備副使三十六年陞任三十八

年陞巡撫宣府右僉都御史

胡 松

江南滁州人嘉靖己丑進士歷郎官陞湖廣叅議山西提學副使家居十六年徵用三十八年來任

陞浙江按察使

高 捷

河南新鄭縣人嘉靖乙未進士歷兵部郎中山東兗都御史謫山東按察副使江西叅政南京操江右

副使三十九年陞任

李景萃

字德聚直隸任縣人正德辛未進士歷戶部郎中浙江按察副使嘉靖三十九年陞任

明知州

李 昭

直隸元城縣人永樂初任民稱廉能

衛 信

四川劍州人永樂中任處心平恕居官勤慎

涇州志

二卷

官師

四

李宏 河南磁州人永樂中任才斷明決

劉侃 浙江嘉禾縣人永樂中任民稱廉直

曹光 山西安邑舉人成化中任增修東城

陳智 山西陽曲縣舉人初年任

劉芳 湖廣道州人初年任人稱嚴明

岳思中 河南儀封舉人治中任民稱嚴明

洪恩 四川成都人治末任

萬士奇 山西崞州舉人正德初年任廉謹和易民稱之

官倫 北直隸人進士正德初年任刑部員外郎

楊欽 浙江建德縣人九年任

宋灝 山西太原監生十五年任增修學宮西城

宋鑑 北直隸人嘉靖三年任循循好古士民宜焉

江中才 四川巴縣舉人七年任清廉惠愛值年大荒賑救有術

何鎬 湖廣郴州監生十三年任

正永言 山西石樓縣監生十五年任廉靜嚴而有恩時都御史王堯封丁艱貸金二萬行賂起撫陝西密論

有司償金永吉不從劾其不勝任左遷寧夏監糧通判戶部以糧銀數萬遣衛經歷運寧夏耗百三十金經

歷乞哀歸易田舍償耗永吉代輸之人益信其廉厚

李必敷 四川舉人十八年任

岳麒 直隸臨晉縣監 生二十年任

張髦士 山東霑化縣舉人二十四年任 廉訪不 妄取修理城池補葺學宮致仕尋卒

沈文玉 河南光州舉人三十年任

李鴻漸 山西蒲州舉人 三十二年任

張嵐 直隸高陽舉人 三十八年任

田一井 山東東平人以阜城縣知縣 陞以上知州自嘉靖後多缺

州判

母侃 嘉靖間任 監生

杜忠 嘉靖間任

劉倬 監生

李士選 監生人稱 其操守

張從道 吏員嘉靖間任

金世儼

李勳 直隸內黃縣監生三十七年以山西霍州判調任

吏目

賈祐 監生人稱廉愛

張雲程 監生

周克裡 監生

郭示端 監生

王堯民 監生陞新城主簿

劉成性 監生

楊尚義 山西平陸人吏員

學正

楊健 山西朔州舉人歷戶部郎中陞知府

楊大鉛 山西沁州舉人

張軌 山西苛嵐州人

沈大有 四川人

曾周 山西沁陽人

侯甸 河南新鄭縣人

楊一誠 直隸保定人

張通

訓導

張儒臣 四川涪州人

張宗仁 河南汝州人

張縉 山西沁水人

劉寶 河南內鄉人

申經 河南湯陰人

張彥禎 山西霍州人

劉耀 山西靜樂人

劉鞞 山西介休人

雍根 四川人

白鉞 山西人

李軻

前朝知州

宋法祖 順治年間任

郭景昌

劉光耀

魏循

閻閻淳

趙鼎臣

傅登瀛 正紅旗人 康熙二十二年任

趙繼普 正藍旗遼東廣寧人 康熙三十年任 官師

施有光 江南淮安縣人由歲貢三十六年任

楊天機 正紅旗監生康熙四十二年任

馮震 順天大興縣人由捐貢四十八年任

楊文燦 正紅旗漢軍由歲貢雍正元年任

盧愈奇 河南扶溝人由康熙戊戌科進士雍正四年任

張儒 山東人孝廉雍正八年任

陳元煥 福建晉江縣監生雍正八年任

許宗崧 江南人監生乾隆三年任

任兆鯤 山東人拔貢乾隆九年任

靳夏麟 直隸天津人監生乾隆十三年任

何多學 山西人監生乾隆十四年任

張延福 河南陳州府項城人雍正丁未進士初授江西貴溪縣再任四川冕寧縣陞涇州知州乾隆十七年

州判 國初無考

王煒

王心玠

孟文 順天三河縣人康熙二十年任

陳朝薦 福建泉州府人康熙二十四年任

朱昌平 順天燕山右衛人康熙二十七年任

余旭 康熙四十二年任

張廷琰 江南桐城縣人歲貢五十七年任

蔣珮思 湖廣漢陽縣人歲貢雍正元年任

王以中

奉天正白旗漢軍
監生雍正六年任

李瑾

山東武定府霑化縣人雍正
七年長貢乾隆十六年到任

吏目

無考

朱國標

江南懷寧人吏員
康熙二十年任

陸宗澄

江南華亭人監
生二十一年任

魏銓

順天大興人監
生五十一年任

湯啓迪

順天大興人供
事六十年任

王遵

浙江錢塘人監
生雍正二年任

方源

浙江金華人監
生雍正五年任

諸詒孫

浙江會稽人監生
雍正十二年任

張煥先

廣東大埔縣人監生
乾隆十八年到任

學正

無考

尹儁

岷州衛人歲貢
康熙十五年任

王廉裔

康熙二十
二年任

秦一臣

三原縣人戊午舉
人三十一年任

曹如璿

同州人甲
子舉人

王儀且

永壽人丁卯舉人
四十六年任陞任

孫息

癸巳科
舉人

孫嗣雍

富平人康熙
乙酉科舉人

殷廷棟

舉人

張焞

乙酉科
舉人

劉慶雲

潼關人戊
午科舉人

訓導

無考

吳鍊

歲貢

韓原璐

歲貢

趙珣

歲貢

崔榮

歲貢

李廷蔚

興安州石泉人歲
貢乾隆十七年任

一官俸

知州一員 俸銀三十五兩八錢一分四釐八毫七絲二忽
內除攤荒銀七兩八錢三分二釐三絲八忽八

微二纖四塵解 司外實支銀二十七兩九錢八分二釐八毫三絲三忽一微七纖六塵

州判一員 俸銀四十五兩內除荒銀二十四兩八錢五分
四釐一毫三絲四忽五微實徵銀二十兩一錢

四分五釐八毫六絲五忽五微

學正訓導二員 每員歲支俸銀一十五兩七錢六分共銀
三十一兩五錢二分內除荒銀一十七兩

四錢八釐九毫四絲四微實徵銀一十四兩一錢一分一釐五絲九忽六微於乾隆元年在於欽奉

上諭事案內照依八品加增
俸銀四十八兩四錢八分

吏目一員 歲額俸銀三十一兩五錢二分內除荒銀一十四
兩一錢一分一釐七兩四錢八釐九毫四絲四忽實徵銀一十四

兩一錢一分一釐五絲九忽六微

瓦雲驛驛丞一員 歲額俸銀三十一兩五錢二分內除荒
銀一十七兩四錢八釐九毫四絲四微

實徵銀一十四兩一錢一分一釐五絲九忽六微

一名宦

宋

張守約字希愛漢人以蔭守原州截路砦招降羌酋十七

族萬一千帳遷西上閣門使知鎮戎軍進環慶都鈐轄知

鄜州徙涇原延鄜秦鳳副總管領康州刺史夏人十萬屯

南牟避去知涇州涇水暴漲無常春必費民增治隄堰守

約以歲罷役然眾憂水害守約以河神祠在南壩禱而遷

諸北以捍河一夕雷雨淤爲沙隄民得免役

國朝

葉映榴江南人康熙十八年督學陝西一時所取之士多名流碩彥陞任湖廣督糧道值夏包子亂殉節

人物誌

豪傑挺生原不擇地如桐不必產於龍門栢不必生於新甫也涇自漢魏設郡以來賢才輩出或以功烈顯或以德行著語忠孝可與日月爭光考節烈足令鬚眉抱愧用表前躅以勸來茲誌人物

一鄉賢

元

史天澤諡忠武身長八尺音如洪鐘勇力善騎射平居未嘗矜其能及臨大節論大事夷大難毅然以天下之重自

任年四十始折節讀書立論出人意表忠亮有大節出入
將相五十年在石四朝師表百僻拜相之日門庭蕭然其
視富貴權勢若將挽之者故能善始令終為開國元臣

大德

間為本處達魯花赤節用愛
人士民咸服仕至濶濶徒

明

閻鉦字鼓之成化壬辰進士授戶部主事員外郎陞大同
府知府成化二十年陝西饑鉦分俸以活族人守大同六
年多惠政陞江西叅政再遷貴州布政使蠻賊福米祿作
亂以鉦率兵討之至安南衛裨將潘江敗績遂死之時年

四十九贈禮部尚書蔭子入監賜墓祭

任顯歲貢河南南陽府新野縣教諭生平安分守介孝友
性成念切作人心存利物睦宗和族有同范氏之義田恤
寡矜孤無異楊雲之大厦士民公舉鄉賢

一忠義

北魏

鄧彥海安定人祖羗秦符堅驃將父翼河間相彥海性謹
飭博經史長易筮武帝定中原擢著作郎遷尚書吏部郎
審制度稽故事參定朝儀律令音樂文書賜爵下博子因

北魏

卷二

人物

三

涇州志 卷一
坐從弟論死子穎遷中書侍郎孫怡襲爵荊州刺史賜爵
南陽公元孫述亦官齊州刺史

韓耆字童考安定安武人永興中自赫連屈丐來歸授常
山太守假安武侯居常山之九門卒贈涇州刺史諡曰成
韓茂耆子字元興有勇力善騎射沉毅明厚不學而議論
中理善於撫衆從元帝親征丁零翟猛尋以爲武賁郎將
後從大武討赫連昌大破之賜爵蒲陰子遷侍輦郎旋拜
內侍長爵九門侯從征蠕蠕累克捷與樂平王丕等伐和
龍爲先鋒功多拜散騎常侍殿中尚書爵安定公從破薛

永宗轉都官尚書從南征拜徐州刺史還拜侍中尚書左
僕射文成帝拜尚書令加侍中征南大將軍太安二年領
太子少師卒贈涇州刺史安定王諡曰桓

韓備茂子字延德爵行唐侯歷太子庶子寧西將軍獵曹
加散騎常侍襲安定公征南大將軍卒諡曰簡贈雍州刺
史

韓均備弟字天德工騎射有將畧除中散爵范陽子遷金
部尚書加散騎常侍備無子均襲安定公征南大將軍歷
定青冀三州刺史政譽著聞廣阿澤介定冀相三州間土

涇州記 卷一
曠多盜乃置郡以均爲大將軍都督三州諸軍事均清身
懲奸以計擒趙郡屠各西山丁零聚黨山澤行劫者威震
境內先是權立東靑州以招懷未附優復徭賦而奸人通
逃悉往焉均奏罷之括出隱戶十餘萬民始安卒諡康
崔延伯博陵人太和中爲統率謀勇過人除征虜將軍副
蕭寶寅討萬俟醜奴宿勤明達等會於安定甲卒十二萬
鐵馬八千軍威甚盛醜奴營涇州西北四十里之党原城
延伯常乘勝逐北遂伐木造大排聯鑠強兵負而趨號曰
非城騎外翼以居輜重自涇州升原攻賊賊數百騎詐降
寶寅延伯惑之宿勤明達率衆急攻東北降賊乘高西下
夾攻延伯力戰敗之追造其營賊乃以輕騎反陷排城延
伯軍大敗死傷幾二萬寶寅退保涇州延伯修器械購驍
勇復自涇州進攻賊彭阮谷柵七里結營不俟寶寅之師
身襲賊大破之平數柵軍乘利散掠賊乘亂奪擊反大敗
射殺延伯士卒死者萬餘延伯善撫士得衆心勇冠諸軍
旣死朝野哀之

唐

劉海賓爲涇州將劉文喜作亂圍久不克徵發餽運內外

涇州志 卷之六 人物
騷然朝議請赦文喜德宗曰徵孽不除何以令天下海賓
入奏請自效帝許之海賓與其守說諸將共誅文喜傳首
京師

何明禮爲涇原將與段秀實謀誅朱泚迎乘與不克死之
岐靈岳涇原將吏朱泚叛遣韓旻將銳兵三千聲言迎德
宗實襲奉天司農卿段秀實曰事急矣使靈岳例用司農
印詐爲姚令言符追旻還因擊泚不克俱死之

劉感岐州鳳泉人武德初以驃騎將軍守涇州薛仁果圍
之糧盡殺所乘馬以啖士而自煮骨和木屑以食率衆力
戰被擒逼降感給諾旣至城下卽大呼曰逆賊亾在旦夕
秦王將十萬衆且至矣城中勉之仁果生瘞感至腰馳射
之感嘗賊至死仁果平高祖購得其屍祭以少牢

宋

葛頌真定人雄毅善戰遷都指揮使改邠寧涇原環慶二
路都部署子懷敏因授西頭供奉官閣門祗候遷涇原路
馬步軍副總管招討經畧安撫副使慶二年元昊寇鎮
戎軍懷敏出瓦亭砦率砦都監許思純環慶都監劉賀天
聖砦都監張貴都巡檢向進劉湛趙瑜等禦之師次安邊

涇州志 卷一
若懷敏先馳開遠堡北一里而舍復趨養馬城與知鎮戎
軍曹英涇原都監李知和王保王文鎮戎都監李岳西路
都巡檢趙璘等合兵聞元昊兵臨新壕外懷敏議詰旦襲
之分命諸將四路分進遇敵戰少利懷敏使曹英巡檢李
良臣孟淵後繼聞夏人已穿塞懷敏依保定砦夏人遂斷
歸路圍之絕水道劉賀率番兵戰不利衆潰敏以中軍屯
塞東英等保東北隅夏兵先犯中軍不動却擊英軍會黑
風起東北宋兵亂奔趨城堞矢破英面仆壕中敏幾死昇
位建城始蘇復保門橋趙珣等以選騎禦之稍却夜夏人

縱火臨西北漏下四鼓敏與曹英趙珣李知和王保王文
許思純劉賀李良臣趙瑜結陣走鎮戎軍以英珣爲先鋒
賀與思純爲左右翼知和爲殿聽中軍鼓而行至卯弗鼓
敏將獨馳執鞚者諫之乃還使參謀郭京等取芻未至敏
復馳叱執轡者去不聽拔劍擊之師大奔敏馳東南二百
里至長武夏人斷壕圍之諸將皆歿餘衆九千四百馬六
百餘悉擄去敏子宗晟與趙正郭京等及步兵存者還保
定川仁宗聞之震悼贈敏鎮戎軍節度使兼太尉諡忠隱
餘各贈官有差

按郡志敏善交結要譽遂佐大將以至
覆軍帝猶念之官其子宗晟宗壽宗禮

劉惟輔涇州人以同州觀察使爲熙河馬步軍副總管金人陷秦州經畧使張深遣惟輔將三千騎往禦之惟輔簡精騎千八百夜襲擊殺傷相當惟輔持稍刺殺其先鋒亭堇黑鋒金兵却深入隴右都護張巖追至鳳翔惟輔不受巖節度乃別出鳳山寶雞獲金游騎巖追及金人於五里坡遇伏死之惟輔全師還熙河知不能守欲棄之顧熙河有積粟遂焚之爲金人所及步兵潰惟輔匿山寺中爲金人所執說降不從死之張浚承制贈節度使官其家十二人廟祀成州號忠烈

入忠孝祠

閩勅高宗時爲主管步軍司金人南侵勅先守洛陽後奉太廟神主歸於臨安

一孝子

梁彥光字修之涇州人七歲父顯周疾篤醫云餌紫英石可愈彥憂悴慮不可得忽於園中見一物持歸卽紫石也人以此爲孝感所致

唐

呂向字子回涇州人少托於外祖母家始生時父岌客遠

方存亡莫知向訪求不得一日自朝還道見一老人惻然
心動問之乃父也相抱號慟上聞之以為孝感所致官
朝散大夫賜錦綵樂工娛憚其心向官工部侍郎

明

雍朝相涇州人家貧事母孝盡力以供蔬水之歡母疾久
朝相割肉和羹進食而愈後母沒守墓三年不茹葷葷時
追慕哀痛聞者悲之

閻漳鎧之子好古力學累舉不第以貢入太學家貧甚事
親孝內外無間言父中憲沒三年不入私室母老雖無疾

每夜必赴寢室外屏息察氣年逾六十不息

任光耀涇岸生事繼母以孝聞學道孫旌表其門

左旋涇州人性孝友父兄皆早逝母孀居奉養盡禮撫二

姪踰已子祖業盡以遺之諸弟友愛無間至老不分居弟

姪皆賴成立涇郡言孝友者首推焉初為府掾後官遼陽

經歷遷雅州判郡守范岡以義士旌其門

以上俱入忠孝祠

國朝

李必智王村人州僻處生奉養寡母王氏菽水承歡定省
罔懈母沒後家無餘資躬自負土成墳廬墓三年時深悲

墓復敘養其弟必勞成其夫人津州上其狀奉

貞旌表

閭閻誠州庠生周歲失恃賴繼母李氏撫育父母偶有小疾寢不解衣每夜香祝天願以身代沒後廬墓三年哀思彌篤州上其狀奉

貞旌表

一貞節

北魏

倪氏本樂海人彭老生聘焉父母皆其故養未嫁之野求

薪水老生逼而欲私之女堅辭以親命遂加刃女曰女子衛身以爲夫也夫乃如是是無天也天必鑒汝遂死之太和七年詔誅老生而旌貞女之墓

明

魯氏王曲里人年二十嘉靖元年春大虜寇掠婦女皆脅以從氏獨冒刃罵賊而死巡按喻御史茂堅命州壑祭暨碑旌表

趙氏平涼人御史趙斌之女適郡庠生魏宗一氏年十八生子僅三月夫喪誓與同死或勸之撫遺孤卒成人寡居

四十餘年州爲表其門

雷氏名秀貞密店人年十八家貧採蔬於野惡少辛添禮

方鋤逼而求通女叱名力拒以蔬刀刺禮禮反鋤擊女頸

垂絕而逃女父執禮聞巡按吉御史澄論禮死而表女門

行人吳道直道經密店哀女行畧曰誰言此女從茲逝
萬古綱常聲歷歷嗟予幸賦丈夫身滿擔囊豪愧不躋
踽踽涼涼何所異願斷鰲足立四極區區女子猶
如此義士忠臣宜自勵嗚呼義士忠臣宜自勵

國朝

蘇氏李氏涇人本妯娌王輔臣之變二氏俱被擄至南石

崖罵賊墜崖同赴水死知州閻閻淳監碑表其墓曰百尺
高崖千秋大節山爲爾清水爲爾

潔爾心匪石我筆似鉄爲爾追強暴之魂爲爾揮逆賊
之魄爾之骨松栢同芳爾之名日月斯揭噫世之華服
便利者百千萬人誰
似爾之轟轟烈烈

于氏涇人年二十四夫歿孀居三十餘年終身愁慘不修

容不入寺院堪爲婆婦師

于氏廩生李作楹之母年十九而寡守節育子終身如一

順治八年旌其門

史氏州民杜起周之妻二十二歲而寡既無翁姑終鮮兄

弟遺孤尚未週歲撫之成立飲水茹蕞織紉自給州上其

狀奉

旨旌表

閻氏李永慕之妻庠生李愷之母二十五歲而寡躬自操
作矢志松筠孝事乃祖生養死葬義方課兒學成名立州
上其狀奉

旨旌表

楊氏州民喬永泰之妻年二十七而寡家貧甚孝事翁姑
凡粗細穢潔之事必躬親焉育子撫姪備極辛苦復教其
孫大綸入泮州上其狀奉

旨旌表

史氏張玉顯之妻庠生張我紳之母二十五歲而寡親老
子幼矢志靡他奉事翁姑不怠晨昏家貧無膏火之資每
乘夜月課子卒成夫志州上其狀奉

旨旌表

